

Uhapšen bivši zapovjednik Trećeg korpusa Armije BiH MAHMULJIN ODLUKU ČEŠKA U PRITVORU

Tužilaštvo BiH ga sumnjiči za ratni zločin protiv civilnog stanovništva srpske nacionalnosti od jula do oktobra 1995. godine

Bivši zapovjednik Trećeg korpusa Armije BiH Sakib Mahmuljin (1952) uhapšen je jučer ujutro u Sarajevu po nalogu Tužilaštva BiH, a slobode su ga lišili pripadnici Agencije za istrage i zaštitu BiH (SIPA). On je uhapšen zbog sumnje da je postupao protivno odredbama međunarodnog humanitarnog prava i Ženevskih konvencija, te počinio zločine nad civilima srpske nacionalnosti u periodu od jula do oktobra 1995. godine i to na širem području Vožuća kod Zavidovića.

Stav Tužilaštva


Njegov advokat Fahrudin Ibrišimović kazao je, nakon što je Mahmuljin ispitan u Tužilaštvu BiH, da se nada da će Tužilaštvo uvidjeti da nema osnova da traži pritvor.

- Mahmuljin je saslušan kao zapovjednik Trećeg korpusa. Pitan je o djelima koja mu se stavljaju na teret. Više ništa ne mogu reći, jer je istraga u toku, kazao je Ibrišimović.

Dodao je da bi stav Tužilaštva BiH trebao biti poznat danas. Mahmuljin je za to vrijeme zadržan u pritvorskoj jedinici u Sarajevu. Međutim, Tužilaštvo BiH je jučer zatražilo jednomjesečni pritvor za Sakiba Mahmuljina.

U ratnim borbama koje su se vodile u Vožuću, kako navode iz Tužilaštva BiH, sudjelovao je i Odred El-Mudžahidin čiji su pripadnici ubili oko 50 ratnih zarobljenika srpske nacionalnosti, koji su prethodno oteți od druge postrojbe Trećeg korpusa koja ih je zarobila.

"Mahmuljin se tereti za nečovječno postupanje prema 20-ak ratnih zarobljenika i civila. On se tereti da je imao informacije da se pripadnici El-Mudžahidin, njemu



Mahmuljin: Ispitan u Tužilaštvu BiH

Bivši oficir JNA

Sakib Mahmuljin rođen je 13. 10. 1952. godine u Kozarcu. Brigadni general, bio je zamjenik ministra odbrane Vlade FBiH, a završio je više škola za cestovni saobraćaj i ekonomski fakultet. Obnašao je dužnosti u saobraćajnoj i finansijskoj službi bivše JNA u Čapljini (1970 - 1989), bivši je oficir JNA s činom majora, a bio je radnik RSTO BiH (1989 - 1992), član Generalštaba ARBiH (1992), član komande i komandant 3. korpusa ARBiH (1993 - 1996). Živi i radi u Sarajevu.

Mediji su prenosili njegovu izjavu iz aprila 1996. datu zeničkoj TV: "Kao vojnici mi moramo imati rezervnu varijantu ako Amerikanci ne održe obećanje o opremanju i naoružavanju Armije BiH. Mi je imamo". Prosuduje se da je mislio na naoružavanje Armije od islamskih zemalja, poglavito Irana.

podređene postrojbe, spremaju počinuti kaznena djela, odnosno da su ih već počinili, ali nije ništa poduzeo kako bi spriječio zločine i kaznio počinitelje, te mu se stavlja na teret zapovjedna odgovornost za kaznena djela koja su počinili njemu podređeni pripadnici El-Mudžahidina", saopšteno je iz Tužilaštva BiH.

Podsjećamo da je Mirsad Kebo, bivši potpredsjednik FBiH, u januaru ove godine državnim Tužilaštvu predao nekoliko hiljada dokumenata u vezi sa ratnim zločinom nad srpskim civilima koje je navodno počinio odred boraca El-Mudžahidin, prozvavši tada Mahmuljina, ali i Šefika Džafirovića, predsjedavajućeg Pred-

stavničkog doma PSBiH, da su učestvovali u ovim zločinima.

Nedugo nakon hapšenja komandanta I višegradske brigade Ahmeda Sejdića, kojemu je Sud BiH nedavno izrekao mjere zabrane, uhapšen je Sakib Mahmuljin, general Armije RBiH. Iz Stranke demokratske akcije jučer su oštro reagirali, osudivši poteze Tužilaštva BiH.

Politički pritisci

- Ne možemo se oteți utisku da je Tužilaštvo BiH podleglo neprijemljenim političkim pritiscima u pravcu izjednačavanja zaraćenih strana i stvaranja vještačkih balansa u procesuiranju ratnih zločina, rečeno je u SDA, uz do-

Patković: Nisam iznenađen

Šerif Patković, predsjednik Saveza nosilaca najviših ratnih priznanja FBiH i nekadašnji komandant Sedme muslimanske viteške brigade, rekao je da nije iznenađen jer će se, prema njegovom mišljenju, nastaviti izjednačavanje žrtve i agresora.

- Ovo je stanje koje nas sve vodi u propast. Da će doći kraj i prestanak hapšenja, teško je očekivati. Još će i djecu šehida početi hapsiti zbog nekakvih uloga u ratu. Najžalosnije je što se radi o Tužilaštvu BiH, koje nosi takav naziv, ali ne djeluje tako, kazao je Patković, te najavio sastanke u narednom periodu na kojima će nosioci ratnih priznanja gledati da uhapšenim generalima na bilo koji način pomognu.



Ibrišimović: Očekujem da moj branjenik bude pušten

datak da su i ranije "upozoravali na hapšenja uglednih komandanata i boraca Armije RBiH koji su bespotrebno prolazili pravne golgote da bi u konačnici bili oslobođeni, poput Sefera Halilovića, Nasera Orića i drugih".

Kako je naglašeno, broj zločina počinjenih od snaga koje su izvršile agresiju na BiH neuporedivo je veći od broja zločina počinjenih od pojedinaca u redovima Armije BiH.

Savez ratnih vojnih invalida FBiH također je izrazio nezadovoljstvo zbog hapšenja.

- Ne možemo da vjerujemo da se u kontinuitetu nastavlja progon i maltretiranje svih onih koji su branili i odbranili BiH, istakli su.

Huseinagić: Razočarana sam

Nihada Huseinagić, predsjednica Udruženja porodica šehida i poginulih boraca Zlatni lilijan Zenica, također je razočarana novim hapšenjem. Smatra da je to velika uvreda za sve one koji su časno i pošteno branili BiH, ali i izdaja onih koji sada vode državu.

- Kome će se suditi za 924 pripadnika Armije RBiH samo u gradu Zenici? Bosna se branila od agresora i to je razlog hapšenja generala Mahmuljina?, pita se Huseinagić.

Ramiz Šušić, predsjednik Saveza RVI Zeničko-dobojskog kantona, kazao je za Oslobodjenje da ga je hapšenje Mahmuljina duboko potreslo i izazvalo ogorčenost.

- Ne možemo vjerovati da i dan-danas časni i poštenu branitelji BiH moraju strahovati da li će neko zbog ko zna kojeg interesa dovesti u pitanje kredibilitet i čast naših generala, komandanata i boraca. Ratni vojni invalidi ZDK-a daju moralnu podršku generalu Mahmuljinu, njegovoj porodici i svim patriotima BiH. Vjerujemo u objektivnost nadležnih sudskih organa i što skorije njegovo oslobađanje, kazao je Šušić.

E. GODINJAK - M. DAJIĆ